


# Aghokulu ye Ayehza Lakhi Shivekeshea?



Akumzapu Kuchouqo  
Kiphi Kichekutsu

14



**Timiqo** no alaghi kupula yehza kititi ye hexave pinamu kiumo kumoke momu pano w asuqha tsumovenamu kiumo kumoke ipi kumsu acheni.

Ikemu Alhou eno Pa yehza ye titoimoke, tilehi kiyequkeu ani. Ninguno kiu mla anikeno tikumtsu lo Alhou no ju acheni. Ninguno pikeu kumtsu Pa ye chilu acheni.

Ninguno kishi Pa yehza peitha chenikeno Pa ghi tipau kiqi lono ningu peitha cheni. Alhou no ningu xine kipimi qhivetsu achenikehu ninguno Pa yehza hexavenamu kiumo kumoe ipilunani keshea? Pa zahkutsu hexave keu jume ye kuhavea keshea? Khrostomiqo no Alhou zahkutsu papekeuye kimiyekeu lono kumono ayezza lakhi toi shive cheni. Jisu no pikeuno,

“tsutsala nono Alhou kimiye cheghiaye Pano ovilo kiu shilopikeno ti shilo” ipi. Ike tishiaye Alhou zahkutsu papekeuye ayezza lakhi toive keshea? Hi phi akeu kichekutsuqo ado luno kutokughoishi kumsujughi phijulo. Lhokta shekichile ye kumsapu kene.

1

## Alhou ye no luthu no kiu mla anikeno ti jukutono yehluve chenikeshya?

“Noye ithuluchekeu Lhou ke” (Bothubo 16:13). “O Ampeu, Nono I ghili phujuvea eno ithiveake. Ino iqa akeu eno ithu akeu nono ithulu ani; Nono putosu lo ngo anamu I kukumusuoqo hu ithulu ani, kughengu Nono I laghiqo kumtsu lo I gholo chechenike, tile I mili lo atsa lakhimu kuhakeu Nono ithi ani” (Leshele 139:1-4). Pano “O kutsu lo asalothi kumtsu kihipe ani” (Luk 12:7).

**Khokichile:** Iye. Nilikhi nino ni ghili ithiakeu nguno alau akiviu Alhou no ayeghi lomi kumtsu ghili ithianie. Paye luthu lakhikhi ju acheni, eno ningu kumlaqo kumtsu juachen. Atsa lakhimu, akukumsu lakhimu eno akumla lakhimu Pa launo kusuvemlake.





Alhou kupulo ghili  
Baibel lo phujulo  
tipau likhino oxalunanike.

2

## Luthu lakhi no Pa tsa gholumoamu Pa kukaqha lo timi tipau xalunani keshea?

**"Ivilo Ampeu, Ampeu ipi chekemi kumtsu kungugha kukaqha lo ilolunike kumo, ikemu l Puh kungugha lo kuau pulou shichekemi likhino ilolunani" (Mathi 7:21). "Tsutsala nono akuxupu lo ilonishi aghiaye, ahzakutsuqo papelo" (Mathi 19:17). "Pa gholu chekemiqo kumtsu lau Pano lhokta xachilekulu Mpeu ke" (Ibrimi 5:29).**

**Khokichile:** Kumoe. Hipau ghili Kuchoyehsu lono mutsumishei shitsu ani. Xachilekulu eno kungugha kukaqha ye Ampeu zahkutsu gholu chekemiqo salake. Alhou ye khiunoqono akichi likhino pa ghi pulu anikepi piphe momu akukuho lo kihimpi lakhi shi anike ipi, momu ajeh likhino azuloputsuveake ipi chenikeno tipaqo lau lhokta kuxupu tsuniepi piquipuamo, ikemu khiunoqono Pa kupulo shitsu cheni eno Kuchoyehsu lo kiu piqhi puanikeno tipaqo pape chekemiqo likhino Jisu Khristo vechewono xakulupu shinani" (Apostolmi 4:12).

*Alhou pulou lono  
kuchou yesu phulo.  
Hilikhi no osusholu  
nani.*



## 3

## Alhou ye kiu ghenguno aghokulu avehu shi anikya?Kiu ghenguno hipau shimayesavekea?

“Kughengu akuxupu lo ilonikeu khagho ye ighono mughughui, eno tipau laghi lo wunikeuye ighono kushokutsupu, eno tile ilolunikemiye aghuloshi” (Mathi 7:14). “I lau axine shivekemiye palikhi pa shou pimivea, eno I mithi chekemiye akithi kimiye ani” (Aholetsa 8:36). “Ampeu no ayezza hipaqa kumtsu papelopi ahza ningu tsu ani, alhokuthu lo ningu kivipu ghenguno Ampeu ningu Lhou sumsalo, tishiaye Pano ningu pelo xu apenanike” (Zahkiniu 6:24).

**Khokichile:** Kughengu tile alaghi lakhi likhino ningu sasu Alhou kukaqha lo wulukepu ani. Alaghi kumtsu sasu a-a lakhi lo iloghilumonani. Baibel likhino ayeghi julho ke, hipau likhino kumtsu laghi kichetsukeu, hepho piyetsukeu, kutughutsukeu, eno kishieno kungugha kukaqha lo ilolunanikeno kichetsu keu eno lapiyetsukeu lakhike. Alaghi hipau vezuve aye Alhou launo eno Pa kukaqha launo sakughovenani. Alhou yehkipe kukaqha lo ilonikeu yehza lakhi likhi ani, eno tipau lo alhoayeh, aqho lo kukumsu, eno aghungu lo kumlaqa sukuqha puani. Hipaqa ghola lakhi lomu pimive aghikeu shejunani. Tsutsala Baibel lo tsupuaghie pina tsupuaghimo pinamu luthu lakhi kumlaqa phujunani, eno Baibel lo ayezza tsupaqueqo ye kuchou ke ipi pephepiyesunani. Ayezza hipau thaighaveku visavili ye kusukini, ghichhe ghime eno ajeli thokha lo alokivi kuhaveku shinani. Baibel lo akukutsu tsa tsupaqueu ikhilu mokeu shejunani. Baibel lono kiu kichepiyesu puanikeno ti ikhilu mokeu phujunani. Timi lakhi ye pano xunishikeu laghi lo xu ghi Khristo toi shini ipikeu ye shimla. Aki kishimi lakhino kichetsukeu (Blueprint) sumono shikelo kupunamokeu ye shichemo. Titoi Alhou ye opelo Akimithe Ghungu wu blueprint pape penishi ani Tilehi alaghi kutau Pa kimihi shilukepu kuha, alaghi kutau lono Pa kukaqha lo iloni ipikeuye shimla. Tilehi mlaleikeu lono ilolukepu laghi kutau kuha.



4

## Alhou ye kushiye agholumokemiqo pelo hitoi tamono mla achenipekea? Kiu shiye axine eno axinemiqo itehi itehi kutsavemokea?

“Julo, Ampeu ye Pa w kimithemi qhethonhe chighi gholono cheni, kumtsu shou kughathabevenike ghenguno cheni. Mithemokemi qono mithemokeu laghi zu puzu mithemokeu kumla shivekeqo, mithemokemi axinemiqono Pa pipusa chekeu kumtsu shou kughathabevenike ghenguno cheni” (Judea 1:14, 15). “Ino xu achekeu toi, ipi Ampeu no pi, akhonhe kumtsu l gizulo qoqhunhepe nani, eno amili kumtsu pelo Alhou gizulono piphepenani” (Rommi 14:11).

**Khokichile:** Alhou ye atighishi Pa mikucho Xakuthami, Pa kikimiye eno Pa kukupu ghili paghi pesu piyesupaghimo keloje axinemi lakhimu pesu anguka lono kutsavemonani. Paye ningu kutoshi ningu pelo ghuzakeu lo eno shikupusa lo ilovepemonike ningu lau kutughutsu acheni. Pa kikimiye ghili pesu axinemiqo vilo pive paghinani. Panongu pelo Alhou ye amikuchoke ipi pano kichi ampi lono pipheveke thiuno panongu puhavenani; tishieno axine hipau axinemiqo gholono shipuhavenani. Tileno axinemi ayikusamiqono Alhou ye amikucho eno achipi ipi piphenani, titiuno panongu puhavenani.



5

## Agholumo kemiqo ye kuchouno kutsavenani keshea?

“Alhou ye kungumi axine shivekemiqo thotsu ghumove, ikemu ayikichhekighi pesu panongu thsupe akuzu lo qhive, kughathabekeu tsala lo sala msape qhipuani” (2 Pitor 2:4). “Pano ayikusamiqo kumtsu kutsavenani” (Leshele 145:20). “Ayekumthamiqo eno Ampeu Jisu tsakiviu gholumokemiqo ye amimili lono amukhu lunani” (2 Thesaloniami 1:8).

**Khokichile:** Iye, agholumovekeu devil eno pa ghinimiqo kumtsu kuqhano pesu kutsavenani. Ningu ye khilemu nilikhi ni shou pukhubekepu kumo, kughengu ninguye khikhino kuchou eno khikhino kichileukeno mthake. Ningu xalunikeuye Alhou tsa shou likhi ani. (axinemi kutsavenikeu ghili akiphi kichekutsu 11 lo phiju, eno Jisu ide ighinikeu ghili akiphi kichekutsu 8 lo phijulo)

Ashekhalo ye Khristo papenishimokemi panonguno axine kimiye chekeu axine gholono puhavenani.

# Axxine

6

## Alhou Mulo kiqupu shitsunishi acheni, ikemu kuchouno Pa zahkutsu qhoi papelunani kema?

“Khulo, eno tipau pesu otsunani, phulo, eno nono tipau ithulunani” (Mathi 7:7). Alhou pelo pulotsu penike ghenguno okutoshi Alhou tsa philo ... achipi lono kuchou tsa hu kijepe qhilo” (2 Timothy 2:15). “Tsutsala khunoala Pa kupulo shitsu aye paye Alhou tsa kukutsuqo ithinani” (Johan 7:17). “Olau akuvu akelono alachelo, tishimaye akuzu no ohechevenani” (Johan 12:25). “Panongu ye I tsa chilukemtsa I gholunani” (Leshele 18:44).



**Khokichile:** Tsutsala nono pulo aye Alhou ye kichileu kumtsu launo oxapheluve nani, eno osasu kuchou laghi lo wuvenani, tihenguno (1) amulo kutsushi inikhulo (2) amikuchou lono Alhou tsa philo (3) kuchou kiu opiyesukeno ti papelo.


7

## Baibel lo kuchou hu panongu lau mutsumishei movekeu lono agholumovekeu kipimi Alhou ye timi tipaqo lau kihikulai nanikeshea?

“Tsutsala nonguno anhethi iche aghikeaye nongu ye axine shimoni cheke, ikemu itehiye nonguno, ningu ye ithulu anike ipiveake, tihenguno nongu xine ye kusulumoake” (Johan 9:41). “Khiuno paye akivi shinikeu ithi anikemu tipau shimovenikeno pa ghenguno tiye axine ke” (Jems 4:7). “Akighithi kuhavekeu ghenguno lwu timiqo ye kutsakhaveake, kughengu nonguno akighithi hu tuchileveke, tihenguno Ni ghi nongu tuchileveni” (Hosiya 4:6). “Phulo eno nono ti phulunani” (Mathi 7:7).

**Khokichile:** Tsutsala nono Baibel lo akeu mutsumishei phumlave aye Alhou ye tipau ovilo khumonani. Ikemu Baibel no kutsupiyee akeuno nono akuvu tipau makho punani.

Noye achipi kighithi ithi anike, ikemu nono Pa kikimiye pepusavetsuke! Hami ye phinishimove, phujunishimove, ithinishimove, eno ininishimove. Tihenguno panongu ye puhaveke. Kughengu panonguno “akighithi hu tuchilevetsuke” Akhoto kumla hipaulo, tsutsala nono aghau-bird qo gholo akijee ostrich ghili-play, iliyeh noye puhave nani, akithipu sholuvunani. Ningu ye ighono amulokutsu shieno kuchouqo phujumayesakepu tuqhudo lo ani.



8

## Ikemu Alhou ye aghokulu ghili lo chixechileimo nanikeni, Paye tishinanikeshea?

“Kuchouno Egypt lono ipeghikemiyo gholo hamiye ayeghi ithulumonani, kughengu panonguno lno pikeu qhoi papemoveke. Caleb eno Joshua pama likhino qhoi Ampeu papeluke” (Akikihini 32:11, 12). “Timi ye asho likhino xuluchemo, ikemu Alhou kichi lono ipeghikeu tsa lono xulucheni” (Mathi 4:4). “Ino kiu zahkutsu nongu tsukeno tipau pape aye nongu ye l shou (friend) ke” (Johan 15:14).

**Khokichile:** Kuchouno –Paye pakutakeu Lhouke, Puloshoqhi aqau ghulokilo Alhou timiyo ye alaghi hipau ye mkamughaikeu ghili phuluke. Aqokitikhiyo kumzapuno tushokiyo yeghi lo ilonike ghenguno Egypt yeghi qhive. Amuqo hipaqo gholo Caleb eno Joshua pama likhino qhoi Ampeu papeluke. Egypt lono ipeghikemiyo gholo pama likhino Canaan yeghi lo iloluke. Kutami ye qhoi aghasaqha lono thikhave. Ampeu Jisu no ningu vilo pi akeuno, “nongu ye Baibel tsa lo likhino xulunani.” Tile ahzakutsu lakhi lo kutomo anike kumo momu ahzakutsu lakhi lo aghulo likhi anike kumo, ikemu ahzakutsuqo ye kumtsu akhotoke.



9

## Kughou timi lakhino kuchou akithe puhuluvenikeno pa momu lino tipau papemphi zuuno lakukhaqo ikhive paghikeu khemayesake shea?

“Olau akuvu aphi lono alachelo, tishimaye akuzu no ovechevenani” (Johan 12:35). “Niye ozahkutsqo papenikeu lo munuvemono mighiveke” (Leshele 119:60). “Atighishi Pa kukaqha eno Pa mikucho paghi phuluvelo, eno thime hipaqo kumtsu pesu olau sukuphatsunani” (Mathi 6:33).



**Khokichile:** Kumoe. Nono Baibel lo kuchou ghuthu lakhi mutsumishei ithiveamu khe akeye akivi ipeghimonani. Ashe tomoveno shopukaveke ye kumsapu lakhike. Khe akeye ghuzamokepu toi, ikemu Baibel no kutsupiye akeuno timi lakhi no kuchou ithive kithishi pai akuvu lo ipevemonapi aye akuvu tipau hu paikhavi zumaive nani. Ninguno tishi ngokhe auve aye aghokulu lakukha hu ikhimonu tishi lakhape auvenani eno tipau no olau akuzu kije shikithevenani. Kutomono Alhou vilo alaghi khaqhitsu lo eno lno tipau laghi zunike ipi khu acheni, ikemu Alhou no laghi ye bidelauke. Pano pi, “Nonguno azuu hawolo eno lno alaghi khaqhitsu nike.”

10

## Ikemu timi ghengu ye ahzakutsu qhoi papelunikeu ye kushokutsupuke kumokeshea?

“Alhou gholo ye thime thokha tokulupu likhike” (Mathi 19:26). “Niye Khristo Khiu I shikumtotsu chekeu vechewo thime thokha shilunani” (Filipiame 4:13). Alhou shikimithi, Pano Khristo lono ningu sasu alhokuthu lo tokulu shilupe” (2 Korinthiami 2:14). “Khiuno I gholo kimepe ani eno Ino pa gholo anikeno paye athi kutomo pithilunani; kughengu nongu ye Isumokeloye kiumo shimlananike” (Johan 15:5). “Tsutsala nono pulo aghieno aghokulushi aye noye ayeghi kivi chichulu chenani” (Isaya 1:19).

**Khokichile:** Ningu khiumu nilikhi ni kukakumto loye Alhou zahkutsuqo papelumonani, ikemu Khristo vechewo likhino shilunani. Satan no ningu pelo ikiqive penike ghenguno alhokuthu lo timiqo vilo Alhou zahkutsuqo ye papekumlapuke ipi acheni.



11

## Puloputsa no Alhou zahkutsuqo hexave akemiqo lau kiu shinaniepi kea?

“Ninguno kuchou kighithi ithive eno ikhiluveke thiu, tsutsala ninguno puloputsano axine shive aye tilehi axine ghenguno aghashitsunikeu kuhavenani. Eno tipau shou kughathabekeuye kumsapu. Aghakighide lono aghumiqono tschuchenani” (Ibrimi 10:26, 27). “Olau akuvu akelono alachevelo, tishimaye akuzu no ohachevenosake, khiuno akuzu lo chechenikeno pa ye khilau wuchenikeno ithichemo” (Johan 12:35).

**Khokichile:** Tile Baibel lo lipi ipikeu tsa yepuamo. Khokichile hipau ye mlalei ketoi, ikemu hiye kuchouke. Kughou timi lakhino kuchou pano ithivekeu milive puzu tamono agholumovenikeno akuvu hu pa launo wuvenani eno akuzukutho zumaikelo lo pa qhivenani. Kughou timi lakhino kuchou tuchileve puzu pishikiqhi lo ilovenikeno paye kichileu hu pesu hino kuchouke ipiivenani” (2 Thesaloniami 2:11). Kughou hitoikeu shi ipeghivenikeno paye mutsuqhei puhavea.







12

## Aghokulu ye kikimiye no akijeuke kumokeshea?

Jisu no khochile, “tsutsala khunoala I kimiye aghiaye paye I tsa lunani ... ikemu I kimiyemo kemiye I tsa lumonani” (Johan 14:23, 24).

“Ninguno Pa zahkutsuqo ghoLukuno Pa kimiye anike, eno Pa zahkutsuqo ye puqhekumlapu ye kumoke” (1 Johan 5:3).

**Khokichile:** Khilemo kumoe. Kuchouno Baibel no kutsupiye akeuye tile agholumo keloje Alhou kimiye mlakeu pi anie. Moepinamu timi lakhi ye kuchou no agholu anikemu Alhou kimiyemo eno shikimithimo aye tiye aghokulu kumoke. Anga lakhi ye apuh aza kimiyemo keloje panongu gholuchemo. Momu apuh aza kimiyemokemiye apuh aza gholuchemo ke. Kuchou ghokulu ngo kikimiye pama ye anga lhokime puakeu toike. Lhokime keu nga kututa shivetsu aye thive chekeu toike.

13

## Ikemu Khristo lau ililai xuLuku anike ghenguno aghokulu lono ningu kuqhophevake kumokeshea?

“Tsutsala nonguno I tsa gholuaye ... nonguye kuchou ghili ithinani, eno kuchou huno nongu pelo ililaikeu kuxu lo xupenani. Ikemu khiuno axine shichenikeno paye axine qeu lakhike” (Johan 8:31, 32, 34). “Alhou shikimithi, nonguno axine qemi shicheghi kithishinamu itehiye nongu mulo lo kutsupiyekeu gholu aghike ghenguno nongu xaluveake, eno axine launo nongu kuqhophevake. Itehiye amikuchu qemi shiluve ake” (Rommi 6:17, 18). “Tighenguno lno alhokuthu lo eno alhokuthu lo tamono Ozahkutsu pape chenani. Eno niye ililai keu laghi lo chechenani, kughengu niye O yehzaqo phuchenike” (Leshele 119:44, 45).



**Khokichile:** Moe. Ililaikeu kuxu ipikeu kiqi ye “axine launo xapheluvono” ililai luvakeu pi anike” (Rommi 6:18) Momu Alhou zahkutsu hexa ghi xuchekeu launo aghokulu lo ighivekeu pi anike” (1 Johan 3:4).

Tighenguno hile kuchou ipi akeuye kuchouno ililai keu kuxu lo xuluvekeu ye aghokulu lono ighi anike. Aphuaghuna lo kuxumi khiunoqono ayezha gholughi xuchenikeno pano ye ililai keu lokughuno kuxu lo xu achenike. Agholumokemiye kughachue

nani, eno pano kuxu agho aghoshi xuchekeu hu kuhavenani. Agholumono ililaikeu kuxu lo xuni ipikeuye alatsa. Tile yehpeka kuhavenani. Khristomi no ililaikeu kuxu lo xuakeuye aghokulu kuxuke. Agholumokemi lakhi ye kutami ghuzave cheni, kughengu paye devil qemike ghenguno.

14

## Kughou Ino Alhou pulunikeno thime lakhi avehu shi ani, Pano kiu avehu shi anikeno mthamu niye Pa gholumaye sakeshea?

“Kimiye, Alhou sutsa inilo- agholulo ... tishiye olau akivi shinani, eno noye xu achenani” (Jeremiya 38:20). “Palikhi pashou pukhube chekemiye kughuzumike momu kughuzumo no palikhi pa shou pukhube cheni” (Aholetsa 28:26). “Timi shou pukhubeke ye Ampeu shou pukhubeke pavike kumokeshya?” (Leshele 118:8). “Kiutoi Kungugha no ayeghi nguno qhemghai keno titoi I laghi ye olaghi nguno alau qhemghaike, I kukumusuno okukumusu nguno alau qhemghaike” (Isaya 55:9). “Pawu Xakuthamiqo ye phuilo tomla, eno Pa laghiqo ye shephemlake! Kughengu khiuno Ampeu kukumsu ithi ilo tokulupukya” (Rommi 11:33, 34). “Ino panongu sasu panonguno mthakeu laghi lo wunani” (Isaya 42:16). “Nono akuxupu laghi I piyetsulo” (Leshele 16:11).




**Khokichile:** Kuchouno ningu ye Alhou lau api pu ani, kughengu Pano ighono alokutsushi ninguno mthakeu thime ningu lau avehushitsuke ghenguno. Anuli akivi ye apuh aza no ahza tsuakeu kiqu mtsuqheimo pinamu agholu cheni. Alhou shou kitila pululukeyo huno ningu sasu Pano ningu ghenguno thime kiu akivi kutopuatsu anikeno tipau shou pulubelukeyo shitsucheni. Paye khilemu ningu sasu pimikeu nepa lo ilochemo. Pano ningu sasu chekeu akiqu tokhoi mthamu ninguno Pa papenikeu kughuchove chekeu ye nikhanihake.

15

## Kuchouno agholumokeu thiu khiu ngo ani eno kiu shiniye ngo anikea?

“Axine shive chekeu ye Satan launoke, kughengu Satan no abothu lono axine shiveke ... Hipau lono Alhou nuliqo eno Satan nuliqo pephe kututaa shitsu ani. Khiuno amikucho shimokeno paye Alhou laumi kumoke” (1 Johan 3:8, 10). “Satan no ayeghiqha qhoi pishiqhiveke” (Piyekusu 12:9).

**Khokichile:** Satan no amakho punani. Agholumokeu ye axine, eno axine no ahakusapu, Alhou sasu kututa shivepe, eno ashekha loye kutsakungove nani ipikeu pano ithi ani. Pano timiqo mithikehu panongu sasu agholumokeu lo ilove cheni. Noghi hipau lo ilo kusajeluvono sake Kuchou hu pululo. Kuchou papenikeu xathalulo. Agholumove aye puhavenanike Khristo ikhiluvelo, agholulo eno xalulo. Khristo ikhiluvenikeuno ow Xakuthami shilo, eno Pa ghokulu lo iloghilo. Noye Khristo pesu kuchou launo kututa shivetsu mlake. Kughengu Pano pi akeuno, “Niye Kuchou huke” (Johan 14:6). “Nono khiu huthunikeno ishino kishelulo” (Joshua 24:15).



Satan (devi) ye opelo Alhou gholupenishi chemo, kughengu pano omithi kehu opelo puhave penishi cheni.

16

Baibel lo Alhou nuliqo  
ghenguno akichiqhikepu  
jukuvu kiu tushoqhi  
puatsu anikea?

**“Khiuno olau akumla kivi huthutsukeno Pano Jisu  
Khristo ighike tsala kutolo olau tokhoi shitsunani”  
(Filipiami 1:6).**

**Khokichile:** Alhou she, Pano piqhi puakeuno akichiqhikepu  
kumla lakhi lono ningu sasu punukithe keu lo ighinani.  
Pano tamono ningu kuxu lo avehu shikeu akichiqhikepu shi  
mlatsu chenani, tsutsala ninguno Pa kukaqha lo xalumphu  
kutolo Pa papecheghi aye.



17

Noye ishi ninguno  
kimiyeqhiyi keu lono  
qhoi Jisu papevenike  
huthuvama?

**Nono khochilenikeu:**



# Nono Iniju Keu Khochiletsu Ani

## 1. Panongu ye xaluvea ipi kumsu chekemiqo gholo khiuana ye puhave nani keshea?

**Khokichile:** Iye! **Mathi 7:21-23** lono mutsumishei pi akeuno tile tungkuputsa pichekemi, devilqo hapheve chekemi, eno Khristo jeh lono ipi puzu akichiqhikepu kumla kutomo shichekemi kutomo puhavenani. Khristo no pikeuno panongu ye puhavenani kughengu panonguno l Puh kungugha lo kuau pulou shimoke ghenguno (**ajo 21**) Alhou gholumo puzu akimiki puluvekemiqo ye puhavenani (**2 Thesaloniami 2:11, 12**). Titoi panongu ye xaluveake ipi kumsu chekemi kutomo puhavenani.

## 2. Panongu ye achipikumou shicheniamu xalunani ipi kumsu chekemiqoye kiu shivenanikea?

**Khokichile:** Jisu no pikeuno “Pano Pa wu kuchou laghi lo panongu ku nani, eno Pa wu Bheri kuchouqo likhino Pa papechegnani” (**Johan 10:16, 27**).

## 3. Amikuchoshi eno azukini shikeu no lumkhakeshea?

**Khokichile:** Moe. Ningu ye Alhou gizulo achipishi ikhikulupu shi aghimayesa. Apostle Paul ye Khristomi shikighime chekemu paye amikucho eno achipiu shi anike ipieno mlache. Ikemu athiuye pa kumla tipaqo ye akipimi kumla shive aghikeu phuluve (**Apostolmi 22:3, 4; 26:9-11**).

## 4. Akuvu ithulumo kemiqo lau kiu shivenanikea?

**Khokichile:** Baibel no pi akeuno kumtsuno akuvu kitila likhimu ithulumayesakeu pi ani. “Tipauye kuchou kuvuke, ayeghi lo ighikemi kumtsu lau akuvu tsu acheni” (**Johan 1:9**). “Pano akuvu ithuLuku kiqi lono pa momu li shou kughathabe nani. **Rommi 2:14, 15** kiqi loye pulumokemiqo ghi akuvu kitila ye pighi ani eno ayehza pape acheni.

## 5. Alhou no aghokulu avehu shi ani ipi iqhikumto tsukeu ithinike ghenguno anichipu (sign) khulu paghimaye sakeshea?

**Khokichile:** Tishimoe. Jisu no pi, “Alhokusa eno asalha tiqheli no amichipu lakhi phucheni” (**Mathi 12:39**). Baibel lo mlalei eno ipumihei kutsupiye puakeu ikhiLukmiqo lau ye amichipu tsumonani. Jisu no pikeutoi, Tsutsala panonguno Muse no pipuakeu eno tungkupumiqono pikeu tsa inimoaye, kithilauno hami ithughieno panongu hakitetsukeu tsa pinamu initsumonani” (**Luk 16:31**).



**6. Ibrimi 10:26, 27 lo, tsutsala timi lakhino kuchou ghili ithveke thiu puloputsano axine lakhi shive aye paye puhavenani keshea?**

**Khokichile:** Khiu khiumu hitoikeu xine pipheno akipimi qhikutsu khulunani.

Baibel no pi akeuye axine lakhi likhi kumono, kumsukuju lono tamono axine kutomo shikeu ani, paye kuchou ithi anikemu Khristo lau qhoi pesu tsuvenishimoikeu toikeu kumlaqo huno Akimithe Ghungu loshipusuvetsu chenike” (**Efesiame 4:30**). “Pano likhi pano mulo shikumkaveno wovekeu lo ghili kumsupe (**Efesiame 4:19**) puhavekeu lo ilove cheni. Baibel no pi, “Kumsukuju xineqo launo oqeu sunhechileluxe tsulo, tipaqo pelo I shou ayehpepe kevalo, tishiaye I shou kiumu muchhomunukepu kuhananike, tishi aye niye axine kije shimonanike” (**Leshele 19:13**).

**Hilehi okukumsu eno injuakeu pitsulou**



01



02



03



04



05



06



07



08



09



10



11



12



13



14

## Akiphi hipau ghi akiphi kichekutsu 14 gholo kakhi ke.

Akiphi kumtsu lo akumzapu kuchouqo, khipauno o kuxu eno no kibolomiqo kuxu pekilivetsu kulupu ani eno tipauno nongu sasu lhokta jajupu lo ighikulupu ani. Akiphiqo gholo lakhimu vezuvekeu shikevilo.

**Akiphi kichekutsu 01:** Tile nono pulubeLukepu kiuana qhiveakeshea?

**Akiphi kichekutsu 02:** Alhou ye Tughami Ihosukeshea?

**Akiphi kichekutsu 03:** Akithi laono xapheluve

**Akiphi kichekutsu 04:** Tsutsu yeghiqha dolo Aphughi kije

**Akiphi kichekutsu 05:** Alokivi kulakupu tsapi

**Akiphi kichekutsu 06:** Atulaphaqo shou yehpukutsu

**Akiphi kichekutsu 07:** Xu-lhe lo atsala lakhi puhavekeu

**Akiphi kichekutsu 08:** Qhoi xapheluve -Jisu Khristo ideighini keu

**Akiphi kichekutsu 09:** Akutsughu eno Akuka

**Akiphi kichekutsu 10:** Kithimi ye kuchouno thiveakeshea?

**Akiphi kichekutsu 11:** Amiyizu ye Tughami pichepuani keshea?

**Akiphi kichekutsu 12:** Alokughuno mpe 1,000

**Akiphi kichekutsu 13:** Alhou no ashiahji kivi kupughu shitsu

**Akiphi kichekutsu 14:** Aghokulu ye ayezza lakhi shiveakeshea?

Kughou no no atughiu Akiphi Kichekutsu-u 14 pihigive nikeno itaghi niu mlakiphe akiyeh lono khulo:

Amazing Facts India, Post Box No 51, Banjara Hills, Hyderabad-500034

Kimiyepu Summary Sheet hipau kishékha mphí zuwuno akíphi phijulou. Khokichile kumtsu akíphi kichékutsu lono ithulunani. Chejuno achípiu khokichile lo sutsulo. **Akíkihi parentheses lo piyepuakeu (1) no khokichile achípiu ke.**

**Form tipau pichivenikeu ghenguno kimíye pu “Adobe Reader” peithalo.**

**1) Timi khiuno (1)**

Khristo jeh lono tughami haphevekeno  
tipano xalunani  
Khristo kimíye chenikeno tipano xalunani  
Ampeu ikhilu eno gholu chenikeno tipano  
xalunani

**2) Hi aghou thime kuthu tsupuakeu khikhiu shikeu lono niye kuchou chhitoi ithulunaniya? (3)**

Ni shikipiviu vilo khukeu lono  
Akuvu tsulopi inikhukeu lono  
Minister no kiu pikeno tipau shikeu lono  
Akukuho lo akumlla gho kutomo tsukeu lono  
I likhi I shikighimekeu lono  
Akighithi akiviu ithuLuku lono  
Alhou vilo amichipu lakhi khulukey lono  
Baibel phikeu lono  
Ino itehi kuchou kiu vethalukeuno tipau  
papekeu lono

**3) Alhou no I pelo khochilepe nani (1)**

Minister no kichetsukeu papekeu hghenguno  
Ino I puh I za nepaqolo nesuke ghenguno  
Akuvu Ino pe akeu ghenguno

**4) Kughou Ino akuvu kithe ithulunikeno niye (1)**

Tipau ikhiluvemayesa  
Tipau ikhilunishimphi kutoilo khe amayesa  
Paikhavilono tipau ikhilu eno gholumayesa

**5) Ampeu zahkutsu qhoi gholunikeu ye (1)**

Kiu kiu tuqhudo lomu tomlae  
Ayehza lakhi toive cheni eno tiye devil launo  
ighikeu tho shive cheni  
Khristo vechewo lkkhino papelunani

**6) Puloputsano agholumovekeu (1)**

Huno sasu akuzu lo ilove cheni  
Huno akukuhomiyo no shinishi chekeuke  
Huno tishi amulokutho shicheuve aye Alhou  
no I juzuvenani

**7) Kuchouno Ampeu kimíye keu (1)**

Ye aghoLuku nguno akiviuke  
Ye agholu akepu vehu kuha  
Huno I pelo alokivishi Pa gholukepu shitsu  
cheni

**8) Kuchou Khristomi lakhi no ililai xuchekeu kiqu ye (1)**

Thime kumtsu lo I puloushi xunikeu kiquke  
Alhou gholumovenikeu chipiuke'  
Aghkulu launo ililai luveno devil qeuvniku  
kiqu ke

**9) Ino kuchou kiqu mthamu Alhou ye kishieno I pelo tipau gholupenishi anike hu niye (1)**

Tipau vehu mutsumishei mphí kutolo khe  
aghini  
Kuchou kiqu tipau miliveni  
Tipau ikhiluveni eno A lhou gholuni

**10) Agholumokeu makho ye khiuno punanikya? (1)**

Yehpeka no punani  
Ipuh Iza no punani, panonguno alaghi  
kumolo Isapheveke ghenguno  
Devil no punani

**11) Kushiye agholumayesakya? (1)**

Kughengu Alhou no l nguno akijeu eno niye  
Pa msake ghenguno  
Alhou pelo l shou Pa ghaidepemonike  
ghenguno  
Kughenu lno Alhou kimiye eno Pa yehzaqo  
papeno Khristomi ghilisuqe qo lo xu anishike  
henguno

**12) Alhou ye kiushiye agholumo kemiqo itehi itehi kutsave chemokya? (1)**

Paye tishinishimoke ghenguno  
Paye ayikusamiqo kumla ju anishikehuke  
Paye panongu pelo Pa kikimiye ghili eno  
Pa mikucho Xakuthami ghili akivishi  
ithivepenikeu khe achenike

**13) Jisu no Pa ikhiluvekemi eno Pa papeluvekemiqo pelo Pa kukaqha lo alokughunoshi ngopenike ghenguno tamono akichiqlikpushi panongu ghenguno mlatsu acheni**

Iye  
Moe

**Kungu inji puakeqo achipilo khochile tsulo!**



**Tilehi kihisuvani keghenguno oje, email eno thepiu kikihi sulou.**

Owu akiphi kichekutsu KUMUSA no ithuluni keghenguno "Sulou" lo inalo.

<b>Oje :</b>	<input type="text"/>			
<b>Owu Email :</b>	<input type="text"/>			
<b>Thepiu kikihi :</b>	<input type="text"/>			
<b>Okungo-a :</b>	<input type="text"/>			
<b>Aphugui, District :</b>	<b>State :</b>	<b>Aghaqhu :</b>	<input type="text"/>	
<b>Pin :</b>	<b>Apunu mpe amqo:</b>	<b>Gender :</b>	<input type="text"/>	

Anile shi no kusutsa nikeu tipau tsulou